

MATAGALUEGA O LE PALEMIA MA LE KAPENETA

TAIALA O AUAUNAGA



“Taumafaiga mausali mo le tuuina atu o auaunaga e sili ona lelei”

TAIALA O AUAUNAGA A LE MATAGALUEGA O LE PALEMIA MA LE KAPENETA

O Ienei Taiala o Auaunaga o se faailoilo e faailoa atu ai le naunautaiga o le Matagaluega a le Palemia ma le Kapeneta e tuuina atu le auaunaga i ana paaga ma le mamalu o le atunuu lautele i se tulaga lelei ma faamalieina. O le ogatotonu o faamoemoega a le Matagaluega ma le naunautaiga ina ia mafai ona faailoa mai poo le a, pe faapefea ae po o afea foi e tuuina atu ai le auaunaga i lona tulaga silisili ona lelei ina ia mautinoa e faaleleia atili le va fealoai ma le feagai ai ma ana paaga ma tagata lautele o le atunuu. E taua tele foi i le Matagaluega o le Palemia ma le Kapeneta le sao ma le finagalo o ana paaga ma le mamalu o le atunuu lautele ina ia faaleleia atili ai pea le auaunaga.

O TAUTINOGA MAI LE MATAGALUEGA O LE PALEMIA MA LE KAPENETA

Matou te naunau ina ia tuuina atu le auaunaga e faavae i le Tulafono Iaititi o Amioga Pulea ma Agatausili mo Tagata Faigaluega a le Malo; O lea:

- E matou te tuuina i se auala tausaaafia ma se auaunaga fesoasoani e ala i le faafeiloai atu e fa'aaogaina ai le Talofa ma le laufofoga fiafia.
- E matou te tali atu i soo se taimi i le faaaloalo, agaga maualalo ma se vaaigna i lona tulaga faamalieina
- E taua i ai matou mataupu faailoilo faaletagata ma e matou te tausisia lona teu maluina
- E matou te taulimaina lau mataupu i auala talafeagai ma faailoa atu o matou igoa pe a tatou talanoa
- E matou te tali atu i lau mataupu i se taimi vave ma tuuina atu faamatalaga sa'o ma atoatoa.
- E matou te mautinoa e tuuina atu le auaunaga manino e ala i le faaaogaina o le tatou gagana faigofie faasamoa ina ia faamalieina lau mataupu.
- E matou te tulituliloa lau mataupu e pei ona tautino atu e ala i le faailoa atu o laasaga uma ua oo i ai.
- E matou te tuuina atu le auaunaga i soo se tagata e aunoa ma le fa'aituau.

E FAAPEFEA ONA MATOU FESOASOANI ATU?


Ina ia mautinoa e tuuina atu le auaunaga e le Matagaluega o le Palemia ma le Kapeneta i se tulaga vave ma lelei, matou te talosagaina lau susuga ina ia:

- Tausisia pea le fa'aaloalo ma le tausaaafia ma le auaigaluega
- Tuuina mai faamatalaga sa'o ma faamaoni i se taimi vave e fesoasoani i lau talosaga
- Ia tausisia taimi faatulagaina ma aloaia
- Tuuina mai lou finagalo mo le faaleleia atili o la matou auaunaga
- Aua nei tuuina ni meaalofa tupe poo nisi ituaiga meaalofa i le auaigaluega o se tau i le auaunaga. E matua faasaina i lalo o Tulafono o Galuega a le Malo 2004 faatasi ai ma le Tulafono Faatonutonu o Galuega a le Malo 2008.

FESOOTAIGA

Matou te faatauaina le tuuina atu o se auaunaga e fa'avae i le Taiala mo le Puleaina ma le Mataituina o Faasea 2022 ina ia mautinoa le faamalieina o soo se mataupu e faato'ai mai i le Matagaluega

A e fesoota'i mai i so'o se ala e pei ona ta'ua i lalo:



FAASEA POO NI FAUTUAGA MO LE FAALELEIA O LE AUAUNAGA


Matou te faatauina ma talia soo se faasea poo ni fautuaga mo le faaleleia o la matou auaunaga. E tatala le avanoa mo le tuuina mai o faasea/fautuaga e faasino i la matou auaunaga e ala i auala o loo faailoa atu e le siata.



SOIFUA MALOLOINA MA LE SAOGALEMU

E tusa ai ma le Tulafono o le Soifua Maloloina ma le Saogalemu i totonu o Ofisa ma Matagaluega 2022, matou te tapena auala e mautinoa ai le malu ma le saogalemu o soo se tasi o le mamalu o le atunuu e faato'ai mai i le Matagaluega.

I le ono alia'e/tupu ai o se faalavelave faafuasei (mafuie, galulolo, mu), e tuuina atu le fuafuaga mo le Tuua Saogalemu o le Ofisa mo le silafia;



MATAGALUEGA O LE PALEMIA MA LE KAPENETA

1.1 VAAIGA MAMAQ:

- ❖ *la mautinoa le pulea lelei, saogalemu, nofo silafia ma lava tapena mo faalavelave faanatura, o tagata Samoa.*

1.2 VAAIGA TAULA'I:

- ❖ *la faamalosia le faafoeina ma le mata'ituina o faiga faavae ma polokalame mo itutino uma o le Malo, faamalosia le vave tali atu i tulaga tau i le malu puipuia o le atunuu, faaleleia le tuuina atu o faamatalaga a le Malo i le atunuu, faamalosia le tapena mo faalavelave faanatura o tagata Samoa, ma siitia le lelei o auaunaga e tuuina atu i Taitai o le atunuu.*

1.3 AGA TAUSILI:

- ❖ Taulamua ma faataua pulega lelei i le faatinoga o galuega;
- ❖ Tausisi i le tu'uina atu o auaunaga leilei, faamaoni, vave ma le faautauta i le Malo ma Samoa;
- ❖ Manino le lē faaituau ma faamaoni le faiga o faaiuga;
- ❖ Fa'aaloalo ma le tausia o le va fealoai ma soo se tagata;
- ❖ Galulue soosoo tauau ma feoeoea'i ma paaga;
- ❖ la atoatoa le sa'o o faamatalaga, faatinoga ma fesootaiga.
- ❖ la o gatasi le faatinoga o galuega ma taimi faatulagaina.

1.4 SINI AUTU

- ❖ SINI AUTU 1: Faamalositia le faafoeina ma le mataituina o Faiga Faavae ma polokalame mo itutino uma o le Malo
- ❖ SINI AUTU 2: Siitia le lelei ma le vave o auaunaga lagolago ma faafailautusi
- ❖ SINI AUTU 3: Lelei ma sa'o faamatalaga ma fesootaiga.
- ❖ SINI AUTU 4: Mataala ma lelei fesootaiga i le puipuia o le atunuu ma tuaoi faavaomalo
- ❖ SINI AUTU 5: Lelei ma maualuga le faatinoga o galuega ma matafaioi a le Matagaluega.

1.5 MALOSIAGA FA'ALE-TULAFONO MA FAIGA FA'AVAE

<p>Tulafono:</p> <ul style="list-style-type: none"> ▪ Faavae o le Malo Tutoatasi o Samoa 1960; ▪ Tulafono a Samoa 1963; ▪ Tulafono o Tagatanuu o Samoa 2004; ▪ Tulafono o Auupega Malolosi 2017; ▪ Tulafono o le Faafoeina o Faalavelave Matuia ma Faalavelave Faafuasei 2007; ▪ Tulafono Ao o le Malo 1965 (Teuteuga 2019); ▪ Tulafono o Tulaga Mamalu ma FAailoa Taualoa 1999; ▪ Tulafono o le Ulufale mai o Tagata 2020; ▪ Tulafono Aufaasalalau 2015; 	<ul style="list-style-type: none"> ▪ Tulafono o le Faatulagaina o tofi Faaminisita ma Matagaluega 2003; ▪ Tulafono o Failautusi Faapalemene 1988; ▪ Tulafono o Tusifolau 2008; ▪ Tulafono o le Pulega o Tupe 2001; ▪ Tulafono o le FAamaoniga Aloaia ma le Talita o le Malo 1973; ▪ Tulafono o Galuega a le Malo 2004; ▪ Tulafono Faatonutonu o Galuega a le Malo 2008; ▪ Tulafono o le Faatulagaina o Totogi o Tagata Faigaluega 2003; ▪ Tulafono o Measina Tuai a Samoa 1954; and
---	--

1.6 AUAUNAGA A LE MATAGALUEGA

- ❖ **Ofisa o le Ao o le Malo ma le Fono a Sui Tofia**
 Tuuina atu o le auaunaga lagolagosua ma le faafailautusi i le Ao o le Malo ina ia mautinoa ai le mafai ona faatino ona tiute faale-Malo, faapea le Fono a Sui Tofia i le faatinoina o tiute o loo tauave e le Ao o le Malo pe a toesea ma le atunuu.
- ❖ **Ofisa o le Palemia**

Tuuina atu o le auaunaga lagolagosua ma le faafailautusi I le Palemia ina ia mautinoa le sologa lelei o le faatinoina o galuega i aso taitasi.

❖ **Ofisa o le Ofisa Sili o Pulega**

Tuuina atu le fautuaga tau Faiga faavae ma auaunaga lagolagosua I le Ao o le Malo, Palemia ma le Kapeneta. Puleaina ma le mataituina o le faatinoga o suesuega fa'asuetusi I totonu o le Matagaluega.

❖ **Vaega Faufautua ma le Tuliloaina o Faiga Faavae**

Tuuina atu o fautuaga tau faiga faavae I le Ofisa Sili o Pulega, Alii Palemia ma le Kapeneta. E aofia ai le ta'imua i le fausiaina ma le iloiloaina o faiga faavae i totonu o le Malo.

❖ **Vaega Faafailautusi o le Kapeneta**

Tuuina atu o le auaunaga lagolagosua ma le faafailautusi i le Alii Palemia, Kapeneta, Ofisa o le Fono a Sui Tofia ma le Ofisa o le Ao Mamalu o le Malo.

❖ **Vaega o Femalagaiga**

Tuuina atu o le auaunaga lagolagosua ma fautuaga tau faiga faavae I mataupu tau femalagaiga.

❖ **Vaega o Sooupu ma Fesootaiga**

O le Vaega o Sooupu ma Fesootaiga o loo iai i lalo le Nusipea a le Savali ma le vaega sooupu o loo nafa ma le faalauiloaina o faamatalaga ma faamaumauga a le Malo I le atunuu lautele.

❖ **Vaega o Faamatalaga Faatekonolosi**

O le matafaioi a le Vaega o Faamatalaga Faatekonolosi o le tuuina atu lea o fesoasoani faatekonolosi I le Matagaluega

❖ **Vaega o Auaunaga Lautele**

Tuuina atu o auaunaga lagolagosua e ala i le puleaina ma le faafaigaluegaina o tagata faigaluega a le Matagaluega, puleaina lelei o tupe a le Matagaluega i le faatauina o oloa, faatupeina, aoina mai o tupe maua atoa ai ma le faaaogaina lelei o aseta.

❖ **Vaega mo Soligatulafono Faavaomalo**

Faamautinoaina o le saogalemu o Samoa e ala I le faaaogaina o metotia faaneionapo e malupuipuia ai le ofi mai totonu o Samoa o soligatulafono faavaomalo. E aofia ai suesuega I mataupu tau soligatulafono faavaomalo ma mataupu mo tuaoi faavaomalo ina ia iloa ai le tulaga o loo iai nei soligatulafono mo ni aafiaga I le lumanai.

FAAFESOOTAI MAI LE MATAGALUEGA O LE PALEMIA MA LE KAPENETA

Faafesootai mai le matagaluega i tuatusi ua taua i lalo ma faamolemole faatuatusi uma mai a outou mataupu/fesootaiga ile:

**Ofisa Sili o Pulega
Matagaluega o le Palemia ma le Kapeneta
APIA**

Ofisa Autu	Matagaluega o le Palemia ma le Kapeneta Fogafale Lona Fa, Faumuina Mataafa Fiame Mulinuu (FMFM) II Building, Apia Samoa
-------------------	--

Telefoni / Nofoaga	<p>685 – 63222, 0685-22940 poo;</p> <ul style="list-style-type: none"> ▪ Vaega o Femalagaiga, Samoa: 0685-20291/20292 Fogafale 1, FMFMII Building, Apia, Samoa Femalagaiga – Faleolo: 0685-24391 ▪ Ofisa o le Ofisa Sili o Pulega Fogafale 4, FMFM II Building, Apia, Samoa ▪ Vaega o Sooupu ma Faamatalaga: 0685-26398 Fogafale 4, FMFM II Building, Apia, Samoa ▪ Vaega o Faamatalaga Faatekonolosi: 0685 -21474 Fogafale 4, FMFM II Building, Apia, Samoa ▪ Vaega Faufautua ma le Tuliloaina o Faigafaavae: 0685-23205 Fogafale 4, FMFM II Building, Apia Samoa ▪ Vaega o Auaunaga Lautele: 685-63222/ 685-22940 Fogafale 4, FMFM II Building, Apia, Samoa ▪ Ofisa o le Palemia: 0685-21639/23636 Fogafale 5, FMFM II Building, Apia, Samoa ▪ Vaega Faafailautusi ole Kapeneta: 0685-21700 Fogafale 5, FMFMII Building, Apia, Samoa ▪ Vaega Faavaomalo mo Soligatulafono: 0685-31523/4 Fogafale 6 (Falesamoa), FMFMII Building, Apia, Samoa ▪ Ofisa o le Ao o le Malo: 0685-26400 Vailele, Apia, Samoa
Imeli	www.mpmc.gov.ws
Tuatusi mo Meli	mail@mpmc.gov.ws
Ofisa i Savaii	Matagaluega a le Palemia ma le Kapeneta Fogafale i Lalo, SNPF Building Salelologa, Savaii
Telefoni	685 - 51049

- O matou itula faigaluega masani e amata mai le **9.00am – 5.00pm, Aso Gafua i le Aso Faraile.**
- Mo le Vaega o Femalagaiga i Upolu, (Fogafale 1, FMFMII Building, Apia) o le Kesia e tapunia ile mamalu o le atunuu mai le **3pm – 5pm** i aso uma mo le faagasologa o nisi auaunaga masani.
- E tatala pea le matou ofisa o femalagaiga i le malaevaalele i Faleolo mo le 24 itula mo auaunaga tau tuaoi faavaomalo. Mo nisi o mataupu e manaomia vave ai le fesoasoani ma mataupu tau tuaoi faavaomalo, faamolemole faafesootai (0685) 771-2166 poo le matou numera i Faleolo (0685)24391.

MPMC-PEPA MO FAASEA/FAUTUAGA E FAALELEIA ATILI AI LE AUAUNAGA

Igoa :

Nuu:

Telefoni:

Imeli:

Faailoa mai lou finagalo e ala i le togi (✓)

O le :

Faamalo

Faasea

Fautuaga/Manatu

Faamatalaga o le Faasea/Faamalo/Manatu (aofia ai le Aso & Taimi)

Afai e faaulu mai se faasea, e iai sou finagalo e faailoa mai pe faapefea ona foia lenei mataupu ua e faasea mai ai?

Afai e tuuina mai lou manatu/fautuaga, e mafai ona faailoa mai sou finagalo i vaega e ao ona matou toe faaleleia ai le matou auaunaga?

E Taua Lou Finagalo Manino

O FAAMATALAGA UMA E TUUINA MAI O LE A TEUMALUINA E LE OFISA